

唐也自大業至貞元二百年矣

### 右英五芝鳳綱百草

真誥右英夫人吟曰有心許斧子言當採五芝芝草必不得汝亦不能來

廣記鳳綱者漢陽人嘗採百草花以水漬泥封之自正月始盡九月未止埋之百日絞煎丸之卒死者以此藥內口中皆立生也綱服藥數歲不老後入地肺山

### 公成偃逸宋來洒掃

真誥趙公成昔患脚疾不能步履心常默拜太上三十年精專不替感太上賜藥一劑服之卽愈後得道今在鶴鳴山行道藏輯要

三洞羣仙錄

望

翼集四  
川三

道之時未嘗少忘此所謂內研太元偃逸神府者也

又宋來子楚莊公時爲市長常洒掃於市見一乞食翁歌於市云天馬發雙華山源障陰邪清晨接天馬來詣太真家歌此乞食於市人無有識者獨來子知之遂以師禮事之積三十年授來子以中仙之道今在中嶽方知乞食翁乃西嶽真人馮延壽也注云手爲天馬鼻爲山源

### 宮嵩長生郭延不老

抱朴子宮嵩有文才年數百歲色如童子遇仙人于吉得其書多論陰陽否泰之事有天道焉有地道焉有人道焉治國者用之以致太平治身者用之以保長生此其道也